

後於華陰師陸景真先生以授玄秘每清晨朝禮恒有白虎馴其左右隨逐往來後有群虎來擊樹以害惡人有暴虎來亦擊樹時人號為考虎樹也  
梁謔入雲孫微拂衣

梁謔字考誠年十七師鄭法師受道觀地而行恐傷舍氣有鳥獸當路常下路避之年七十七忽見雲氣彌林乃竦身入雲而去孫微字仲宣年十八師王先生或宿空樹或坐幽房編葛為席時有問者但觀其顏色即知吉凶不必更陳言語年七十忽告弟子曰吾須暫行乃拂衣而出莫知所之同道思之乃取其葛席置靜室中每聞席邊有人語聲友人聞之又分其席也

王羲天邨尹通人歸

王法師字道義凝神白雲之外注心丹柱之下重興觀宇再啓玄門精誠所致遂多洞感曾降天邨倉庫自滿隨取隨盈終無耗竭常以苑人兼管功德遠近貧病皆沾惠潤年六十三忽一旦白鹿入其庭院或

隱或見由是而號尹通字靈鑿年二十六師馬先生受道服黃精天門冬餌雄黃丸由是賢惠慕其至德車馬駢闐道俗揖其清風冠蓋相望荷恩之輩皆厚禮之通悉用修諸功德廣濟飢寒一無所積年一百

一歲仙化常有神燈照室也

蓬萊尼公太白岐暉

道學博陳尼公者蓬萊仙人也服磁母石銀鬚通千秋耳有弟子十二人皆得其方而仙度也樓觀傳岐法師名暉字平定唐高祖初取天下法師與道士八十人有濟國之功授金紫光祿大夫已下皆授銀青後為國設醮感黃雲覆壇與香煙交合又有兩隻白鹿鳴叫而去乃謂弟子曰仙經云欲為仙客入太白遠與弟子登太白山頗有雲霞之志焉

仙苑編珠卷中

仙苑編珠卷下

天台山道士王 年撰 惟六

奇哉伯山哀矣甥女

神仙傳伯山甫者入華山精思服食不老比歸鄉里見外甥女年老多病乃與藥女服之年七十返少色如桃花漢使見一女子答一老翁翁跪受杖使怪而問之曰此是妾子昔舅氏伯山甫與藥不肯服今年老行不如妾故笱之問年幾云妾年一百四十兒年八十七矣

劉綱火焚樊妻兩止

劉綱者上虞縣令也與妻樊夫人俱得道術二人俱坐牀上綱作火燒屋從東邊起夫人作兩從西邊上火滅  
聖母踰獄孔元近水

東陵聖母者杜氏妻也學劉綱術坐在立亡杜氏不信誣以姦淫告官付獄聖母入獄即從牀中飛出入雲中而去孔元者常服松脂茯苓實年更少壯已一百七十餘歲人或飲酒請元作酒令元乃以杖柱

地倒立頭向下持酒飲人不能為之也  
乃於水邊鑿岸作一穴方丈餘止其間斷  
穀或一月兩月而出後入西嶽得道也  
涉正眼光王烈士體

常閉目行亦不開弟子數十年莫見其開  
目者有一弟子固請開之正乃為開目有  
聲如霹靂光如電弟子皆匍地李八百呼  
為四百歲小兒也王烈士長休邯鄲人常  
服黃精并鍊鉛年二百三十八歲有少容  
登山如飛少為書生松叔夜與之游烈嘗  
入太行山聞山裂聲往視之山斷數百丈  
有青泥出如髓取搏之須臾成石如熱臘  
之狀食之味如粳米仙經云神山五百歲  
輒一開其中有龍得服與天地齊畢

焦先施新孫登穴處  
焦先字孝然河東人常服白石以分人熱  
如煮芋也日日伐薪以施與人冬常單衣  
有大焚其菴坐不動火過菴盡衣不焦大  
雪屋多塚人往看之不見菴乃共抄起菴

乃卧在雲下氣如飢中或老或少如此二  
百年與人別不知所往孫登者止山間穴  
地而處好彈琴讀易冬夏單衣天大寒但  
以髮自覆髮長丈餘或市中乞錢隨以與  
貧人謂松叔夜才優於逸倫識少於保身  
也或彈一弦琴以成音曲亦不知其終也

葛由綏山王真女凡  
列仙傳葛由者羌人也周成王時好刻木  
為羊賣之一旦騎羊入蜀上綏山王侯貴  
人隨之不復還皆仙去神仙傳上黨王真

年七十九學道三十年貌少而色美徐行  
追奔馬魏武與相見似三十許人以蒸丹  
法授却元節鄉里計真已四百餘歲乃將  
三少妻登女凡山去  
嘔酒樂巴施金陰氏  
神仙傳樂巴蜀人也太守請為功曹以師  
事之請試術乃平坐入壁中去壁外人叫  
虎虎還乃巴也還據章太守有廟神能與  
人言語巴到推社稷問其輿由乃走往齊  
為書生太守以女妻之生一男巴往齊勅

一道符乃化為狸後徵巴為尚書正旦會  
群臣飲酒巴乃舍酒起望西南嘆之奏云  
臣本鄉成都市失火故為兩牧之帝馳驛  
往問之云正旦失火食時有雨自東北來  
滅大雨皆作酒氣也陰長生者新野人聞

馬明生有遺乃事之執奴僕之禮十餘年  
乃將入青天山中示以太清丹藥成服半  
劑與天相畢乃以半劑煮黃土成黃金數  
千斤以施天下貧病者在人間一百七十  
年色如少女著丹經九篇乃白日昇天也  
子訓青驪琴高赤鯉

蒯子訓齊人也人莫知其道常以信讓於  
人二百餘年不老鄉里有書生到京諸朝  
貴欲一見子訓子訓皆許去京千里同時  
到門計二十三家家家皆到言語如一諸  
朝貴欲駐子訓子訓乘青驪而出郊外奔  
馬追之常相去半里到仙傳琴高者趙人  
也善鼓琴為宋康王舍人行涓彭之道二  
百餘年後涿郡水中與弟子期乘赤鯉而  
仙去

壹公賣藥長房掠市

神仙傳壹公者不知其姓名也汝南費長房為市掠時見此公來賣藥無二價百病皆愈得錢數十萬隨以乞貧凍者常懸一空壹於座前日入之後乃跳入壺中人莫之見唯長房於樓上見之知其非常人也乃朝朝掃灑拜進食公受之而不謝如此積久長房不怠忽一日謂長房曰待日暮更來長房如其言而往謂長房曰見我跳入壺汝便隨我入長房得入壺但見樓觀五色重門日月明朗侍者甚眾謂長房曰我仙人也卿可教故見我長房隨事三試不過謂曰子不得仙道也今以子為主者耳乃以一竹杖與之遺歸如飛空到家即投於葛陂中自此為人除邪魅救水旱無所不應也

董奉活變劉根見鬼

董奉字君異侯官縣人時士變為交州刺史死經三日奉到南中乃以三丸藥內瘻口中食頃却活半日能坐云死時如夢中

見數十黑衣人收入大珠門付獄入一戶中以土從外封之不見光明也忽聞人語云太一使者召士變乃聞掘土聲引出登車而覺奉住一年稱疾死後往廬山種杏數萬株在人間百年乃白日昇天劉根

字君安京兆人也少學道入嵩山石室中冬凍無衣身生綠毛長一二尺後穎川高太守到官人民大疫死者太半遣使乞除疫之術根令於太歲洩地上埋朱硃當時疫氣消後張使君到以根為妖遣人召來

欲大辱之謂根曰君有道令人見鬼乎根曰能乃請筆硯并奏版一教書符扣案前鏘然作聲忽聞四五百人傳呼避道擁一科車至廳前乃使君父母也父母責使君不合犯神仙致吾因辱使君叩頭謝罪忽失所在根後居洞庭山毛公壇身生綠毛耳

宋倫六甲杜冲九華

樓觀傳宋倫字德玄年二十二以周厲王時學道誦五千文服黃精白朮積二十年

宋倫六甲杜冲九華

樓觀傳宋倫字德玄年二十二以周厲王時學道誦五千文服黃精白朮積二十年

感老君降授靈飛六甲素奏丹符倫行之通感如神言無不驗望巖中步自行三十里渡波涉險不由津路年九十餘以景王時昇仙下司嵩山杜冲字玄逸年二十五學道祈真靜神守一二十餘載感展真人

降授九華丹方告曰老君與尹真人於東海八滄山召天帝集群真有地司舉子之勤故勅我付爾仙方冲服之身生玉光以周穆王時年一百二十歲授書為太極真人

道憐貝葉姚坦銀花

道學傳女真王道憐七歲知道市香油供養甘蔬素不衣繒絲受三洞經晝夜習誦初入龍山造宮宇號曰玄耀有若神三壇東南忽生一樹狀如籠蓋周廢一壇五葉相對時人莫識呼為貝葉又有玉函降於壇上有光誦經滿萬有雲與來迎迅雷烈風香氣滿空也樓觀傳姚坦字元泰平陽人年十九以平王元年學道誦五千文有驚風崩山大張口終無怖懼服鍊松脂有

道學傳女真王道憐七歲知道市香油供養甘蔬素不衣繒絲受三洞經晝夜習誦初入龍山造宮宇號曰玄耀有若神三壇東南忽生一樹狀如籠蓋周廢一壇五葉相對時人莫識呼為貝葉又有玉函降於壇上有光誦經滿萬有雲與來迎迅雷烈風香氣滿空也樓觀傳姚坦字元泰平陽人年十九以平王元年學道誦五千文有驚風崩山大張口終無怖懼服鍊松脂有

道學傳女真王道憐七歲知道市香油供養甘蔬素不衣繒絲受三洞經晝夜習誦初入龍山造宮宇號曰玄耀有若神三壇東南忽生一樹狀如籠蓋周廢一壇五葉相對時人莫識呼為貝葉又有玉函降於壇上有光誦經滿萬有雲與來迎迅雷烈風香氣滿空也樓觀傳姚坦字元泰平陽人年十九以平王元年學道誦五千文有驚風崩山大張口終無怖懼服鍊松脂有

道學傳女真王道憐七歲知道市香油供養甘蔬素不衣繒絲受三洞經晝夜習誦初入龍山造宮宇號曰玄耀有若神三壇東南忽生一樹狀如籠蓋周廢一壇五葉相對時人莫識呼為貝葉又有玉函降於壇上有光誦經滿萬有雲與來迎迅雷烈風香氣滿空也樓觀傳姚坦字元泰平陽人年十九以平王元年學道誦五千文有驚風崩山大張口終無怖懼服鍊松脂有

神人授玄白回形之道天關三圖飛行之經坦行之自有神光開如飛電年二百一十歲以簡王時五月風雨晦冥雷電激揚天雨銀花繽紛滿地受書為玄洲真人呂尚地髓王柱神砂

列仙傳呂尚避紂之亂隱於遼東通周釣於磻谿常服澤芝地髓年二百告亡葬而無尸唯有玉鈴六篇王柱者與道士共上宕山云此有丹砂可得數萬斤長吏知而封之砂飛出如火乃聽取之與邑令章君明餌砂三年得神砂飛雪服之五年飛行乃俱仙去

負局磨鏡服閻務瓜列仙傳負局先生者常負磨鏡為吳市中磨鏡每一鏡與磨之又問主人有疾否輒出紫丸藥與之莫不皆愈數年後得藥活者計萬不取一錢矣人乃知仙人也後上具山絕崖頭懸藥下與人乃語人曰吾還蓬山為汝下神水一旦崖頭有水自懸下人服多愈也服閻者常止首往來海邊

遇三仙人博瓜令擔黃白瓜數十箇教閉目良久乃在蓬萊山南方丈山上後還皆常往取方丈山珍寶珠玉下賣不知其往也

祝鷄聚禽玄俗下蛇

祝鷄公者路人也居尸鄉比山下養鷄百餘年鷄皆有名字千餘暮棲晝散每呼即至賣鷄并子得錢千萬皆置之而去後昇吳山白鶴孔雀數百常止其傍也玄俗者自言河間人也常餌石莖賣藥都市七丸一錢治百病河間王病瘕服之下蛇十餘條而愈或云俗無影王乃命於日中果無影王以女妻之中夜而去不知所之

陸通植實文賓菊花

陸通者楚狂接輿也好養性食桃植實遊諸名山蜀峨嵋山上世世見之歷數百年不知其終文賓者太丘鄉人也實履為業常娶婦十餘年輒棄之後逢故姬年九十餘告賓賓乃教服菊花地膚子桑寄生枳子煙乃服之復少壯也

紫陽登山清靈遇道

紫陽真人周君傳云君字季通周勃七世孫年十六師蘇君受道遊行天下但是名山無不登涉得道受書為紫陽真人位列上清清靈真人裴君傳云君字玄仁年十二遇道人支子元授以真訣五首接而行之五年得見日月之精五星降房受書為清靈真人位列上清

道與得詩楊君獲象

真語云羊權字道與降女仙萼綠華授詩數篇兼遺火浣布手巾金玉條脫云此女是九嶷山中羅郁也宿世有過謫在人間也九百歲矣楊君諱義為晉簡文相府舍人棄官學道於茅山降紫微夫人九華安妃贈詩兼贈臺一枚至太元十二年乘雲駕龍白日昇天受書為侍帝晨東華上佐司命君主司吳越神民也

焦曠青禽子章白鳥

樓觀傳茅山道士焦曠字大度周武欽仰拜為帝師於華陰造官巖間湧土用足乃

盡以石甕貯油油盡而自滿每有外人來  
謁常有青鳥二頭來報山靈守護猛獸衛  
門也于法師名章字長文年七歲時讀通  
德經年十一師侯法師出家受三洞經法  
手寫天文祕符一百三十六首逆知吉凶  
年八十二而脫臨寢之際有白鳥一隻騰  
空而翔也

靈壽少壯東郭光明

神仙傳靈壽先者扶風人也年七十得未  
英丸方合服之轉更少壯如年二十時至  
建安元年已二百二十歲矣東郭延年者  
山陽人也服靈飛散能夜書在暗室中身  
生光明照耀左右又能見數十里內小物  
知其形在舞里四百餘歲不老一旦有數  
十人乘虎豹來迎昇崑崙也

李意萬里王興健行

李意期者蜀人也人有遠行欲速到者以  
符與之并書其人兩腋下則千里萬里不  
盡日而還王興者陽城人也並不知書亦  
不知學道漢武帝登嵩高山見一人長二

大許耳垂至肩帝問之曰吾九歲人也聞  
中嶽有萑蒲一寸九節可以長生故採之  
忽失所在帝與群臣皆服之不能勤久唯  
王興聞而服之不怠至魏武帝時猶在常  
如五十許人甚健行日三百里不知他道  
順興真降法樂雲生

樓觀傳李先生字順興京兆人年九歲知  
道師陳先生備受道要既得真訣遂奉經  
入南山太平谷修行忽有雲車羽蓋翳天  
而下見三大仙授金真玉光經七變舞天  
經行之年十七道成年三十八昇仙張先  
生字法樂南陽人卅歲師尹法師真文寶  
訣咸得付受傳受之夕乃感神燈慶雲之  
瑞自此精思凡經三十餘載以其雲生標  
棟故時人號為雲居觀焉

伴死董仲還鄉情平

董仲君者臨淮人也服氣鍊形二百餘歲  
不老曾被誣繫獄乃伴死須臾蟲出獄吏  
乃昇出之忽失所在情平者沛人也漢高  
帝卒也得道至光武時不老後託形尸假

百餘年却還鄉里也  
仲都耐熱程妻致縉

王仲都者漢中人也漢元帝常以盛暑時  
暴之繞以十餘爐火而不熱亦無汗凝冬  
之月令仲都單衣無寒色身上氣蒸如炊  
後不知所在程德妻者能通神變化傳嘗  
從駕無時衣甚憂妻乃置縉兩匹從空而  
至俾前偉好作黃白經年不成妻乃出囊  
中藥少許投之食頃永乃成錄  
飛散元綱玄素容成

婁元綱服靈飛散得道容成公行玄素之  
道延壽無極

張桑堆黃巢許桂英

桑子林張虛並服堆黃巢父許由並服石  
桂英得道

郝容鹿角秀眉茯苓

神仙傳郝容公服鹿角秀眉公餌茯苓得  
仙

商丘桃膠青鳥九精

商丘公服桃膠青鳥公服九精散成仙

女生鹿白君蓮牛青

魯女生長樂人服胡麻餌水八十年日行三百里走過糜鹿故人與女生相別五十年於華山廟遇見女生乘白鹿從玉女數十人也封君達者隴西人也服黃精兼服鍊銀百年還鄉如年三十許人常騎青牛人不知姓氏故號為青牛道士也在世二百年乃入玄丘山得道也

離婁竹汁白兔黃精

離婁公服竹汁白兔公服黃菁而俱得道

嚴達聽琴國珍振屋

樓觀傳嚴法師名達字道通扶風人也師侯法師年十二日誦萬言年二十備參經法以隋開皇初重修宮宇度道士滿一百二十員至大業五年三月七日坐聽彈琴乃曰音韻入神乃有神降可更奏一曲曲未終奄然而斃時年九十五也巨法師名國珍武功人年三十捨家入道師游法師備受道要自爾一味蔬餐幽居帶索飢無貪味寒不思衣口常誦經心恒守一年六

十弟子侍側忽聞車馬之聲不見人物屋宇大振奄然而斃也

張皓雲鶴尹澄猿鹿

張皓字文明汝南人年二十以漢安永初二年入道乃遇封衡真人三試皆過遂授

青腰紫書并神丹半兩入赤城山勤修真道道成或變為白鶴搏空而上或化為飛雲浮遊八外年一百三十八以魏明帝太和元年九月仙官下迎受書為太清高仙矣又尹澄字初默汾陰人年二十八恒市香燈列於壇靜一旦香盡靈熏自生油盞

玄光自照曾入山遇鹿傷足乃為合藥與封後入山遺帶兩絕食忽有群鹿相依飢則吮其乳寒則卧其身累日得返又入山遇野犬飛颯滿谷欲避無路有群猿連臂而下攜至山頂又入山過石芝有光服方寸已乃日行六七百里又入山遇仙人宋君授三皇文九丹訣年三百四十歲以漢昭帝時仙官下迎受書為太清仙人

稷丘進諫武帝還宮

列仙傳稷丘君者泰山道士也漢武帝時以道術受賞能令髮白返黑齒落更生還鄉後遇武帝東巡泰山觀君乃冠童甫排琴出迎武帝諫曰勿上山必傷足帝不聽果傷足指而還

鹿皮閣險鈞翼棺空

鹿皮公者少為府小吏木工能舉手成器峯山上有神泉不能至遂白府君請木工斤斧三十人作轉輪懸閣梯道四間遂止其巔餌芝飲神泉後蓄水泛漲人得以免鈞翼夫人者齊人姓趙右手常拳不展漢武帝之其手乃展得一玉鈞遂生昭帝後武帝害之昭帝更葬棺空唯履在焉

谷春却活山圖絕蹤

谷春標陽人也成帝時為郎託病而亡其尸不寒家人不敢下釘三年却更冠幘坐縣門樓上邑人大驚開棺有衣無尸也駐門上三日而去山圖者隴西人也因乘馬踰折脚遇道士教服地黃當歸羌活獨活苦參散一年而愈乃隨道士採藥云十年

一歸家復去莫知所之

壺丘變水禦寇馭風

列子云壺丘子林者列子之師也鄭有神巫知人吉凶存亡壽夭如神列子引見壺子壺子示以波水三變不能測而走列子

者鄭人也名禦寇得風仙之道乘風而行旬有五日而一返受號沖虛真人

馮夷河伯文子漁翁

馮夷者華陰人也服水玉得水仙之道為河伯也文子者周平王時人老君弟子也著書十二篇泛三江五湖號漁父受號通玄真人

莊周化桑楚年豐

莊周字子休宋人著書三十三篇其首云北溟鯨魚不知幾千里化為鵬翼若垂天之雲擊水三千里一舉九萬里至于南溟也受號南華真人也庚桑子名楚老君弟子居羽山三年俗無疵癘而仍穀熟也受號洞靈真人  
昌容紫草安期赤烏

列仙傳昌容者常山道人也往來上下人見者二百餘年而顏色如二十許人能致

紫草實與藥家得錢以遺孤老也安期先生者瑯琊人也實樂于東海邊人皆言千歲翁秦始皇東巡見之與語三日三夜賜金壁千萬出皆置之而去註書并赤玉馬一量為報曰後年求我于蓬萊山也

馮丹迴風脩羊化石

馮丹者晉人也父侯時為大夫獻公滅耿丹入趙至宣子時乘安車入晉靈公欲仕之逼不以禮有迅風發屋丹入迴風中去也脩羊公者魏人也止華陰石室中卧石塌上石穿陷而不食時解黃精以道干景帝帝禮之數歲道不可得有詔問何日發語未訖牀上化為白石羊題其背曰脩羊公乃置于通陵臺復失所在

赤須知吳崔文除疫

赤須子者豐人也人世世見之數言豐界內災害水旱十不失一好食松實天門冬石脂齒落更生髮落更出後往吳山下不

知所之崔子文者太山人也好道賣藥都

市自三百年後有疫氣民死者萬計長吏有所請文乃操朱糖繫黃散藥以救民飲者即愈所愈萬計後去蜀賣藥如初  
神魚子英巨爾困客

子英者舒鄉人善入水捕魚得一赤鯉愛其異乃將歸池中以食餒之 年長文餘

生角有翅翼子英遂拜之魚言我來迎汝遂大雨子英上魚背昇騰而去困客者濟陰人也常種五色香草積十數年食其實一旦有五色蛾止其草上客以布薦之生桑蠶焉至蠶時有女夜至自稱客妻與客養蠶得一百二十箇爾如瓮大每繅一繅六十日始盡訖則俱去莫知所之故濟陰人蠶時世世祠之

赤將花紅卵疏乳白

赤將子與者黃帝時人不食五穀而嚼百草花至堯時為木工能隨風雨上下卵疏者周封史也能行氣練形煮石髓而服之謂之石鍾乳數百年入少室山中矣

親葛鮑觀枯蘇幼伯

道學傳鮑觀乃葛洪妻父於雁浮山俱得道列仙傳幼伯子者蘇氏容也冬常單衣夏常綿袴年多益壯時人莫知世世來枯蘇氏子孫得其福力也

辰公白李姜茂五辛

其誥曰高辛時有仙人辰上公者於伏龍地植李彌滿林谷今為九官右保司常言

云昔在華陽食白李果美德之未久忽已三千年已巴陵侯姜叔茂者又於山下種

五果并五辛菜叔茂以秦孝王時封侯今名此地為姜巴者因此也此人今在蓬萊

為左卿

許遜拔宅時荷登晨

十二真君傳許君名遜字敬之為蜀旌陽

縣令師誼母受孝道明王法與吳君於鐘陵洞斬蛟蜃以晉永康二年八月十五日

四十二人拔宅昇天時君名荷守道揚四

明山道士也許君昇天時持龍節前驅于

雲路

吳猛白鹿甘戰彩麟

吳君名猛字世雲晉永嘉三年九月十五日乘白鹿與弟子四人一時昇天甘君名戰字伯武許君弟子長持齋戒尤尚符術偏得許君之道以陳天建元年正月七日

乘絲麟之車白日昇天

持幢周廣執羽陳勳

周君名廣字惠常事許君執僮僕之禮元康中執麾幢前引許君歸舊宅即遊帷觀

也陳君名勳字孝舉慕許君之道託為旌

陽縣吏因得師于許君為入室弟子許君

拔宅日執羽旌導于前

曾亨骨秀野烈藥神

曾君名亨字國興孫登常指云此人骨秀可學昇天遂事許君至許君昇天日從車

駕與昇舊宅為真陽觀也肝君名烈字道

微早孤從母依於許君許君上昇時肝君

母子悲泣乞得隨駕許君乃與神藥因得

隨駕部署合宅四十二人焉

施峯委付彭抗親姻

施君名峯字大玉小字道乙常從許君除

滅妖魅許君凡有經典悉皆委付許君昇天後忽一日見東方日中童子執素書飛下云真人召汝乃隨童子聳身入空彭君名抗求康中棄官事許君以長女妻之

未和二年八月十五日全家二十六人白

日上昇舊宅為宗華觀

黃輔龍騎鍾嘉碧輪

黃君名輔字邕晉陵人許君知輔之異遂以次女妻之傳付妙道後為青州從事每

夜常乘龍歸眷屬伺之乃一竹杖耳後乃

仲天宅為折仙觀鍾君名嘉字超本許君

仲妹之子少孤得仙舅之要許君上昇後

以十月十五日日中乘碧霞之輦而昇宅

為丹陵觀十二真君事盡于此

婁慶雲舉韋偽龍躍

靈驗傳云婁善慶常膏赤白二藥不言其

價有疾皆愈得金帛以施孤貧或德中於

西蜀市中足下雲生白日輕舉韋善偽亦

賣藥愈疾於人間常將以黑犬相隨以則



天如意年中過嵩高嶽少林寺請齋飯後犬  
僧慈善偶乃舍水一喫天化為黑龍乘以  
冲天

洞玄騰身道合既服

女真邊洞元年八十忽一旦髮白返黑齒  
落更生以開元二十七年於冀州紫雲宮  
乘彩雲白日冲天某道合尸解于并州太  
一宮腦後有垢身如蟬蛻也  
法善月官果老北嶽

葉天師名法善字太素引有玄宗遊月宮  
賈嵩有賦張果老開元二十二年春自恒  
州微到賜號通玄先生授銀青光祿大夫  
秋請入恒州錫賜衣服雜彩放還北嶽其  
神通變化不可備陳云九度見黃河清飲  
酒數斛而不知醉也

沖寂焚香遺華偷錄

謝沖寂者華嶽道士也志好焚香增至三  
百鐘旦夕不闕無香多以松栢子代之以  
梁開平三年二月清晨有二青童乘紫雲  
下迎云上帝召謝沖寂乃乘雲而去候道

華者中條山道靜院道士也師事鄧天師  
天師藥成而疑不敢服道華竊而服之以  
大中五年五月上昇具在唐記

可交登舟歸真畫鶴

王可交者華亭縣人也眼有神光夜行如  
晝乃冬眉後小空中而光斷以咸通十年  
十一月一日與隣人同出顧會草市河次  
見一艘舫子有童子喚云王五叔要見乃  
下船中見二三道士對茶云可惜一具仙  
骨交破却也乃與菓子一箇喫一半味如  
棗云且上岸去更十年後與子相見足繞  
踏岸乃在天台山下瀑布寺前問時日已  
是十一月二十七日屬歸真者天台縣人  
也性嗜酒冬夏常衣單衣妙于水墨見屋  
壁即畫鶴時人不知其得道也以天祐三  
年十一月于河中府中條山白日冲天告  
時人曰吾本台州唐興縣人也有弟在彼  
乃脫下破布衫服星簪羽袂而輕舉雲中  
寥寥有簫管之聲也  
馬真昇天馮妻降鶴

馬真人名自然鹽官人也有篇什在世唯  
縱酒于鄜市間或眠積雲或卧深水無所  
不為咸通末于蜀梓州酒樓上白日冲天  
河中少尹馮徽妻薛氏於道門修行二十  
餘年以中和三年三月尸解有鶴三十六  
隻降所居宅院內紫氣滿空玄髮重生也

仙苑編珠卷下